

БАЙРАМИНГИЗ МУБОРАК, АЗИЗ ОПА-СИНГИЛЛАР!

Ҳақсевар, она юрт, мангу бўл обод!



ТОШКЕНТ ҲАҚИҚАТИ

2009 йил
7 март
ШАНБА
№ 19
(12.134)

1928 йил 11 декабрда асос солинган

Вилоят ижтимоий-сиёсий газетаси

Эркин нархда сотилади

www.th.uz

ЎЗБЕКИСТОН ХОТИН-ҚИЗЛАРИГА БАЙРАМ ТАБРИГИ

Мухтарам онахонлар!
Қадри опа-сингиллар, дилбар қизларим!

Гўзал ва бетакрор ўлкамизга баҳорнинг илоҳий нафаси кириб келаётган ушбу дамларда сиз, азизларимни, сизлар орқали бутун Ўзбекистон хотин-қизларини кутлуг сана – 8 март байрами билан чин қалбимдан муборакбод этиб, барчангизга ўзимнинг юксак ҳурмат-эҳтиромим ва самимий тилакларимни изхор этаман.

Бу ажойиб байрам тимсолида биз авваламбор баҳор ва аёл тушунчалари нақадар уйғун ва ҳамохан эканини, бир-бирини қандай чуқур маъно-мазмун билан тўлдирганини беихтиёр хис этамиз. Шу улғу айёмда аёлларимизнинг бекиёс нафосати, хусуси малохатини ўзимиз учун янгиликдан кашф этгандек бўламиз.

Тарихнинг ўзи гувоҳ – аёл шаънига қанчадан-қанча қасидалар, шеърлар достонлар битилган бўлмасин, токи дунёда одамзот бор экан, токи она меҳри, аёл муҳаббатидан барқарор экан, бу азалий ва абадий мавзу ҳеч қачон поёнига етмай. Нега деганда, Яратганнинг буюк мўъжизаси бўлиши аёл зоти ҳар қандай юксак ҳурмат ва таҳсинларга муносибдир.

Улғу ватандошимиз Бобур Мирзо, агарки ер юзидagi барча шоирлар юз йил таъриф этганларида ҳам, аёл латофатининг юздан бирини тараннум этолмайдилар, деганда, ҳеч шубҳасиз, мутлақо ҳақ эди. Ва бундай ҳақоний эътирофлар аввало муқаддас заминимизнинг чироғи ва назокатда, вафо ва садоқатда тенгсиз аёлларини назарда тутиб айтилган, десам, ўйламанки, кўпчиликнинг дилидаги фикрни ифода этган бўламан.

Мана шундай шуқули дамларда биз авваламбор барчангизни оқ ювиб, оқ тараб вояга етказган муътабар она сиймосига таъзим қилиб, ўз фарзандлик эҳтиромимизни баҳо келтирамиз.

Айни пайтда хондонларимизга файзу барокат киритадиган, ўзининг нозик елкасида рўзгор ташвишларини беҳинанат кўтариб келаётган умр йўлдошларимизга, ҳаётимизнинг гули бўлган лобар қизларимизга чексиз меҳр ва ҳурмати-мизни билдирамиз.

Ҳақиқатан ҳам, олдимизда янги-янги муаммо ва синовлар пайдо бўлаётган ҳозирги ғоят мураккаб даврда сиз, мухтарам опа-сингилларимиз ҳаётингиз турли соҳа ва тармоқларида – бу давлат ва жамият қурилиши, саноат ёки кишлқоқ ҳўжалиги бўладими, таълим-тарбия ёки соғлиқни сақлаш, илм-фан, маданият ва спорт бўладими – буларнинг барчасида биз билан ёнма-ён туриб, фидокорона меҳнат қилиб келаётганингизни ҳалқимиз яхши билади ва юксак қадрлайди.

Айниқса, гўзал ва оқила аёлларимиз ўзларининг ақл-идроки, меҳрибонлиги, сабр-қаноати билан ҳар бир оила, ҳар қайси маҳалла ва шу асосда бутун юртимизда аҳиллик, меҳр-оқибат, самимият ва поклик муҳитини мустаҳкамлашга, ҳар томонлама баркамол авлодни тарбиялашга катта ҳисса қўшиб келаётганини бугун яна бир мар миннатдорлик билан эътироф этиб.

Мустақиллик йилларида хотин-қизлар-

нинг жамиятдаги нуфузини ошириш, қонуний ҳуқуқ ва манфаатларини таъминлаш, саломатлигини мустаҳкамлаш, уларнинг интеллектуал ва маънавий салоҳиятини рўйга чиқариш, оила, оналик ва болаликни ҳимоя қилиш, тадбиркор аёлларни қўллаб-қувватлаш бўйича олиб бораётган кенг қўламли ишларимиз ўз амалий таърифини бераётгани албатта барчангизга мамнуният бағишлайди.

Бугун биз ҳалқимизнинг асрий орзу-си бўлган, инсон том маънода эркин, озод ва фаровон яшайдиган фуқаролик жамияти асосларини барпо этар эканмиз, бу эзгу мақсадга эришмиш йўлида жонқуяр ва фидойи опа-сингилларимизнинг ўрни ва таъсири тобора ортиб бормоқда.

Шу билан бирга, биз мамлакатимиз хотин-қизларининг сиёсий ва ижтимоий фаоллигини янада ошириш, ҳаётнинг барча жабҳаларида уларнинг самарали иштирокини кучайтириш, мухтасар айтганда, аёлларни эъзозлаш ва улуғлаш учун ҳали кўп иш қилишимиз зарурлигини ҳам ўзимизга яхши тасаввур қиламиз.

Чунки, аёлни улуғлаш – оилани, ҳаётни, Ватанни улуғлаш демакдир. Бу ҳақиқат ҳар биримизнинг дилимизга жо бўлиши, барча хайрли ишларимизнинг мезонига айланишини истардим.

Шу борада 2009 йилнинг ўзида амалга ошираётган режаларимиз, хусусан, "Кишлоқ тараққиёти ва фаровонлиги йили" дастуридан ўрин олган амалий вазифалар – опа-сингилларимизнинг меҳнат ва турмуш шароитини янада яхшилаш, кичик бизнес ва хусусий тадбиркорлиқни, фермерлик ва касаначилиқни кенг ривожлантириш, замонавий уй-жойлар, янги-янги таълим, тиббиёт, маданият ва спорт масканлари барпо этиш, ижтимоий инфратузилмалар фаолиятини такомиллаштириш, шуларнинг барчаси ҳисобидан юртимизни янада обод ва фаровон қилиш каби масалалар айнан аёлларимизнинг орзу-интилишлари ва мақсад-муддolariга ғоят ҳамохандир.

Бугунги имкониятдан фойдаланиб, мен юртимизнинг барча ўғлонларини, биринчи навбатда катта-кичик раҳбарларни мунис опа-сингилларимизнинг оғирини енгил қилиш, уларнинг ҳаётдан муносиб ва мустаҳкам ўрин эгаллашини таъминлаш учун бор куч ва имкониятларимизни сафарбар қилишга даъват этмоқчиман.


Азизларим, меҳрибонларим!
Сизларни ўзингиз каби гўзал байрамингиз билан яна бир бор қўтлар эканман, барчангизга сизга-саломатлик, оилаларингизга тинчлик-ҳотиржамлик, файзу барака тилайман.

Толеингиз балинд, умрингиз узок, ризку насибанигиз доимо бутун бўлсин! Фарзандларингиз ва яқинларингиз, элу юртимиз бахтига ҳамиша омон бўлинг!

Хондонларимизни меҳрибонлик нури билан тўлдириб, ҳаётдан мамнун бўлиб, меҳру муҳаббат ардоғида яшаш барчангизга доимо насиб этсин!

Ислом КАРИМОВ,
Ўзбекистон Республикаси
Президенти.

Эртага – Ҳалқаро хотин-қизлар кун



Ўзбек Миллий академик драма театрида
8 март – Ҳалқаро хотин-қизлар кун

ҲАР ҚАНЧА ЭҲТИРОМГА ЛОЙИҚ

Пойтахтимиздаги "Ёшлик" талабалар шаҳарчаси ҳокимлиги билан ҳамкорликда ташкил этилган мазкур тадбирда олий таълим муассасаларининг ўқитувчи ва мураббийлари, талаба ёшлар иштирок этди.

Тадбирда юртимизда хотин-қизларнинг давлат ва жамият ҳаётидаги фаоллигини ошириш, уларни ҳар томонлама қўллаб-қувватлаш ва рағбатлантириш борасидаги кенг қўламли ишлар ўз самарасини бераётгани таъкидланди. Президентимиз Ислам Каримовнинг 2004 йил 25 майда қабул қилинган "Ўзбекистон Хотин-қизлар қўмитаси фаолиятини қўллаб-қувватлаш

борасидаги қўшимча чора-тадбирлар тўғрисида"ги фармони бу борада муҳим омил бўлиб хизмат қилмоқда.

"Ёшлик" талабалар шаҳарчасида ҳам хотин-қизлар манфаатларини таъминлашга алоҳида эътибор қаратилмоқда. Уларнинг меҳнат қилиши, илмий изланиши, саломатлигини мустаҳкамлаши, спорт билан шуғулланиши учун барча шароит яратилган.

Тадбирда шаҳарча ҳудудидаги турли муассаса ва ташкилотларда самарали фаолият кўрсатаётган хотин-қизлар эсдалик совғалари билан тақдирланди.

Гўзал САТТОРОВА,
ЎЗА мухбири.

ОНАЛАРГА ТАЪЗИМ

Ангрен шаҳар маънавий-маърифий қўмитаси қасб-ҳунар коллежиди аёллар байрамига бағишланган тадбир ўтказилди.

Шаҳар ҳокими йиғилганлари байрам билан қўллаб-қувватлаш, уларга ҳокимлик фариш ёрлиғи ва совғаларини топширди.

Унда иштирок этган сўз усталари, Янгиобод маданияти уйининг иқтидорли ёш қизқичлари, "Шан" гуруҳи қизқичлари томошабинларга бир олам қувонч, завқ бағишлади.

Паркент тумани маданият уйида кўкларнинг илк байрами кўтаринки рўҳда нишонланди.

Аёлларнинг таърифу таъсифига муносиб куй-қосиқлар, шеър-ғазаллар билан бошланган тадбир

СИЗ МЕҲРУ МУҲАББАТ АРДОҒИДАСИЗ

Дунёда ҳеч бир оила, хондонни эркаксиз тасаввур этиб бўлмаганидек, оила қўргонини аёлларсиз қуриб бўлмайди. Зеро, улар ҳаётини куч-қувват манбаи, тирикчиликнинг дебоҳасидир.

Шунданми, кўнгилларга ажиб туйғулар солиб, турфа ноз-неъматларни эстагида олиб келувчи Баҳоройнинг илк ташрифи билан унинг эгизаги бўлиши аёлга аталган эзгу тилаклар бўлоқдек қайнаб чиқади. Алалхусус, дунёнинг бор яхшилиги, эзгулигининг меҳроби – бу Аёл... Ҳар ҳолда аёллардан кутганимиз ҳам, излаганимиз ҳам – фақат ва фақат эзгулик. Истиқлолимиз рамзи, Ватанимиз юраги мустақиллик майдонидаги Бахтиёр Она ҳайкали – фикримизга далил. Унга таъзим баҳо келтириб, пойига гулчамбарлар қўяётган ватандошлар, хорижий дўст-ёрлар, меҳмонларга боким улғу аллома, шеърят мулкининг султони, Мир Алишер Навоий бобоимизнинг ушбу пурҳикмат сатрлари ёдга тушади:

"Оналарнинг оғи остидадир, равзаи жаннату жинон боғи, Равза боғи висолни истар эрсанг, бул онанинг оғи туфроғи"

Ва ҳалқимизга ана шундай жаннатмакон юртининг эгаси бўлишдек бахтни ато этган эрк, озодлик рамзи – Истиқлолга шўрқоналар айтгинг келади. Билъақо, дунёда ҳеч бир мамлакат аёл зотини бу қадар эъзозламаган, юксакларга қўтармаган. Шу ўринда Юрбошимизнинг аёлларини қўллаб-қувватлаш, жамиятдаги ўрни, мавқеини кўтариш борасидаги қўшимча ишларини алоҳида таъкидлаш жоиз. Бундай сый-ҳаққатлар самарасини вилоятимиз аёллари мисолида яққол кўриш мумкин.

Хондонларимиз фаришаси бўлиши аёлларимиз, уларнинг ҳаёт тарзи, оилада, жамоат ишларидаги жўшқин фаолияти ҳақида гурур билан сўзлаш мумкин. Ҳар соҳада фаол, ишбилармон аёлларимиз ҳақиқатдан ҳам жамиятимизнинг гули, файз-барокатидир. Айниқса, Кишлоқ тараққиёти ва фаровонлиги йилида кўтаринкилик билан меҳнат қилаётган тадбиркор, фермер аёллар фаолияти, гайрат-шижо-

ати Истиқлол яратиб берган эркинликлар тўғрисида янада авж олмоқда, қанот ёзмоқда. Вилоят тадбиркор аёл уюшмаси раиси Гулнора Махмудова шундай дейди:

– Дунёда аёл зоти борки, аввало оила, бола-чакам дейди. Лекин, жамият ҳаётида фаол иштирок этган аёлнинг дунёқараши, билими, ижтимоий-сиёсий савияси бошқача бўлади. Ҳозир тадбиркор бўламан деган аёл учун шароит ҳам, имконият ҳам етарли. Вилоятимизда ҳуқуқий билимларни пухта эгаллаган, ишнинг қўзини биладиган тадбиркор аёллар талайгина. Уларнинг 78 нафари ўз фаолиятларини ривожлантириш билан бирга янги иш ўринларини яратиш йўлида жонбозлик кўрсатиб, меҳнат қилмоқдалар. Улар 1225 та янги ишчи ўринларини очиди.

Юрбошимизнинг аёллар бандлигини таъминлаш борасидаги қўрсатмалари асосида олиб борилаётган қўламли ишларни қўйидаги рақамлардан ҳам билиш мумкин. Ҳозирги кунда вилоятда 8933 касаначи иш бошлади. Бу борада Қўйиқирчиқ, Ўрта-қирчиқ, Зангиота, Бўстонлик туманлари, Бекобод ва Чирчиқ шаҳарлари аёлларининг фаоллигини алоҳида таъкидлаш жоиз.

Ҳа, вилоятимизда ҳар соҳада фаол аёлларимиз кўп. Бош шифокор Раъно Хайриддинова, "Наврўз" хайрия жамғармаси раиси Муҳаббат Шоюсупова, тадбиркор Зарифа Бақодинова (Охангарон), фермер – Шарофат Соипназарова (Оққўрғон), маслаҳатчи – Гулнора Бургутбоева (Оққўрғон), Фотима Содиқова (Ангрен), Ёқутхон Мўминова (Тошкент тумани) хотин-қизлар қўмиталари раислари – Шоҳида Ирисметова (Чирчиқ) Шора Абдурахмонова (Бекобод шаҳри), моҳир пиллакор Матлуба Мусаева (Бўқа)... Бу рўйхатни яна давом эттириш мумкин.

Азиз ва муътабар Аёллар! Сизга аталган таърифу таъсифнинг чек-чегараси йўқ. Зеро, ҳаётимиз, тирикчилигимиз мазмун, файз-таровати Сизлар билан. Жамиятимиз гули, эзгулик элчиси деган кутлуг номингиз, баланд иқболингиз бардавом бўлсин.

ОИЛАМИЗ ЧИРОҒИ

Паркент тумани маданият уйида кўкларнинг илк байрами кўтаринки рўҳда нишонланди.

Аёлларнинг таърифу таъсифига муносиб куй-қосиқлар, шеър-ғазаллар билан бошланган тадбир

яқунида ёзувчи Саид Анварнинг "Дийдор" театр студиясида санъатлаштирилган "Хорманг, фермер"

номли мусиқий-ҳажвий комедияси томошабинлар ҳукмига ҳавола этилди.

Кишлоқ тараққиёти ва фаровонлиги йилига бағишлаб таъйинланган бу томоша тадбир қатнашчиларига манзур бўлди.

«Ташаббус – 2009»

ДАВРА ТЎРИ МУНОСИБЛАРНИКИ

Паркентлик тадбиркор Абдурашид Пирматов бу кунни узоқ вақт эслаб юрса ажаб эмас. У соҳнага шунчаки эмас, балки "Ташаббус – 2009" курик-танловининг туман босқичида "Энг яхши тадбиркор" йўналиши бўйича ғолиб бўлганлиги учун чиқди.

Ҳақиқатдан ҳам туман ҳокимлигида бўлиб ўтган танловда тадбиркорларнинг муносиби, фермерларнинг омили қорни ҳамда хунармандларнинг қўли гули аниқланиб, тақдирланди. Танлов давомида иштирокчилар ўзлари ишлаб чиқарган, етиштирган ҳамда яратган турли-туман маҳсулотларни намойиш этишди.

Яқиний натижаларга кўра, "Sunny raisins" масъулияти чекланган жамияти раҳбари Абдурашид Пирматов "Энг яхши тадбиркор" деб эълон қилинди. Чорвачиликка ихтисослашган "Раҳимжон" фермер хўжалиги раҳбари Дилшод Абдуллаев асл фермер қандай бўлишини намойиш этди. "Энг яхши

хунарманд" номига Муҳайё Аширбоева лойиқ деб топилди. Шунингдек, қўшимча номинациялар бўйича ҳам ғолиблар аниқланди. Феруза Юсуфбоева "Энг яхши тадбиркор аёл" номинациясида ютиб чиқди. "Энг ёш иштирокчи" сифатида Бахтиёр Жўраев муносиб тақдирланди. Ҳозир барча йўналишлар бўйича ғолиблар вилоят босқичида иштирок этиш учун тайёргарликни бошлаб юборишди.

Хуришда НАЗАРОВА.

СУРАТДА: курик-танлов ғолиблари.

Даврон АХМАД олган сурат.



Вилоят Ҳаёти

МАҲАЛЛАДА ҲАШАР

Ўлкамизга кўклар таърифу буюриши билан жойларда ободонлаштириш ва кўкларамзорлаштириш ишлари бошланиб кетди.

Айни кунларда Зангиота туманидаги Хонобод қишлоғида ҳам маҳалла гузарлари, кўча, ўқув муассасалари, боғ ва хиббонларда кўчат экиш, дарактларни оқлаш, шакл беришга киришилди. Бизнинг маҳалламизда ҳам Наврўз умумхалқ байрамини кенг нишонлаш учун тайёргарлик қизгин тус олди. Мактабгача таълим

ва ўқув муассасаларининг таърифу буюриши билан жойларда ободонлаштириш ва кўкларамзорлаштириш ишлари янада авж олдириш мақсадида тез-тез ҳашарлар уюштиряпти.

Юлдузхон
ФАЗЛИДДИНОВА.

МУЛОҚОТНИНГ ОЧИҒИ МАЪҚУЛ

Бўқа туман ҳокимлигида кичик бизнес вақиллари ва хусусий тадбиркорлар учун очик мулоқот ташкил этилди.

Унда туман прокуратураси, солиқ инспекцияси, ҳуқуқ-тартибот идоралари ходимлари иштирок этди. Сўзга чиққанлар тадбиркорларнинг ҳуқуқий саводхонлигини ошириш, уларнинг ташаббусларини қўллаб-қувватлаш, энг муҳими, улар фаолиятига асоссиз аралашуларга йўл қўймаслик масалаларига эътибор қаратишди.

Мулоқот давомида тадбиркорлар ўзларини қизиқтирган барча саволларга атофлича жавоб олишди.

Хурият МҲМИНОВА.

«ТОШВИЛСУВОКАВА» ОАЖ

ж а м о а с и

Барча аёлларимизни

Халқаро хотин-қизлар кун

гўзаллик ва нафосат байрами билан
чин юракдан табриклайди.

Мустаҳкам соғлиқ, оилавий бахт,
баҳорий хушқайфият
ҳамиша ҳамроҳингиз бўлсин.

Юзингиздан кулгу,
лабингиздан табассум аримасин.

Меҳр-оқибатли бўлиш халқимиз миллий руҳиятига айнан мос фазилатдир. Ўзбекининг оила-сида ҳамиша яхшилик каттаю кичикка меҳр, ҳурмат берқарор. Дунёда халқимиз меҳрибонлигини баҳраманд бўлганлар кўп. Асфальтга расм чизиш республика кўрик-танловида ғолиб чиққан 10 ёшли Жавохир Ганиев чизган суратларини томоша қиларканман, негадир юқоридаги фикрлар ҳаёлимдан кечди. "Меҳр" деб номланган суратда дарахт шохиди қўниб турган қуш тасвирланган. Қушга 5-6 ёшлар чама-сидаги қизча кафтида дон тутмоқда.

Қуш донга интилган холда кўзлариди миннатдорлик туйғуларини билан қизчага буюб турибди. Иккинчи суратнинг тагида "Бахт" деб ёзиб қўйилган. Унда юз-қўзларида қувонч порлаб турган болакай уфқ томон қочиб кетмоқда. То-мошабинлар учинчи сурат олдида узок туриб қолиш-ди: чиройли бир аёлнинг сочлари қуёш нурига ай-ланиб, атрофга шуъла со-чапти. Бир тўда ўғил-қиз-лар эса нурни титиб олмак-чидай, кафтларини очиб туришпти. "Оқибат" деб номланган бу расм Жаво-хирнинг ҳаётига, одамларга муносабатининг рамизиди туюлди менга.

— Суратдаги аёл онанг-ми? — дея астагина сўрай-ман ундан.

— Йўқ, у тарбиячи Му-яссар олам.

Жавохир "Ян-Нак" хал-қаро инсонпарварлик таш-килотининг шу номдаги ре-абилитация марказида даво-ланади. Юқоридаги туман-нидаги бу марказда респу-бликамизнинг турли туман-

майд, учинчиси яхши эшитмайди. Белгиланган кун тартиби уч қисмдан иборат. Биринчи қисмда болалар фақат даволани-шади. Иккинчи қисмда қобилиятларига қараб ўқитилади. Учинчи тарбия-вий қисмда уларнинг бир-бирлари билан муомала қилиш, ўзлари мустақил кийиниб-ечиниш ва овқат-ланиш қўникмалари шакл-

либ, болаларни тиббий кўрикдан ўтказишди, эҳтиёжга қараб турли тиб-бий жиҳозлар ва мослама-лар тайёрлаб беришди. Марказ директори ўрин-босари Лилия Нам билан хоналарни айланамиз. Улар озода, батариб ва сариш-шди. Замонавий тиббий жи-ҳозлар болалар учун ҳар томонлама қулайлик ярат-ди. Кутубхона, машгулотлар

ган давлатимизга раҳмат, — дейди тошкентлик Наргиза Довудова. — Ўғлим Абду-лазиз анчадан бери шу ерда даволанади. Ҳозир мослама ёрдамида юради-ган бўлиб қолди. Агар бун-дай меҳр-оқибатли юрти-миз бўлмаганида, билма-дим, боланинг холи не кечарди? Телевизорда дунёнинг турли бурча-ларида касалланган, даво то-паётган ёки очликдан ҳалок бўлаётган болалар-ни кўрганимда болажон юртимиз ва халқимиз ҳа-миша омон бўлсин, деб-дуо қиламан.

Бундай миннатдорлик сўзлари ва шўқорлар бе-жиз эмас. Зеро, Истиқлол умуминсоний қадриятлари на-яда юқори поғонага кўтарди. Меҳру оқибат, ўзаро иззат-ҳурмат билан бир қаторда ўзгалар дарди-га ҳам дармон бўлиш қал-бимиздан тобора чуқурроқ ўрин олаётганини қувончи-ли-ди. Амалга оширилган ту-б ислохотларнинг мазмун-моҳиятида ҳам меҳр-оқибат муҳассам. Жамиятда ҳам-хатлик, эзгулик ва меҳр-шафқат муҳитини қарор то-пиришга йўналтирилган чо-ра-тадбирлар мажмуи из-чил амалга оширилмоқда. "Ян-Нак" реабилитация мар-казидаги меҳр-оқибат му-ҳити ҳам шундан дало-латдир.

Гулчехра
Йўлдошева,
республикада хизмат
кўрсатган журналист.

ОҚИБАТЛИ ОДАМЛАР ОРАСИДА

ларидан 5 ёшдан 12 ёш-га-ча бўлган, марказий асаб тизими шикаста болалар қабул қилинади. Улар ка-саллик даражасига қараб даволанадилар. Ҳозир мар-казда 70 бола бор. Шифо-кор-тарбиячи Муяссар Бо-боева, ўқитувчи Саен Жай-либоевдек 16 нафар фи-диоллар болажонларнинг се-вимили ва энг яқин киши-ларига айлиниб қолишган. Уларнинг ҳар бири ўқис-калбарни қувончга тўлдир-ишдек савоб ишчи ўзлари учун бурч деб биладилар.

— Марказимизда турли миллат болалари бор, — дейди менежер Дилшод Азимов. — Уларнинг касали ҳам турлича: бири юрол-майди, иккинчиси гапирол-

лантирилади. Ўқитиш жа-раёнида ўзбек, рус, корей ва инглиз тилларидан ҳам сабоқ берилади. Энг му-ҳими, улар даволаниш билан бирга ўзларининг жамият-га керакли инсон эканли-қларини ҳис эта боришади. Марказ ҳукуматимизнинг доимий эътибор ва раҳм-у-рифтдан баҳраманд. Меҳнат ва аҳолини ижтимоий ҳимоя қилиш вазирлиги билан ҳамкорлигимиз му-стаҳкам. Қийим-кечак, озик-овқат етарли. Театр, кон-церт, цирк томошалари, музейлар, истироҳат ва ҳайвонот боғларига бора-диган бўлсак, билетлар ва транспорт бепул. Бундан ташқари ҳар йили ёзда корейлик шифохорлар бе-

хонаси, катта экранли те-левизор ўрнатилган кечки дам олиш ва уйинчоқлар хоналари, ётоқхона, кун-ига 4-5 маҳал овқат тайёр-ланадиган ошхона, ҳовли-даги сузиш ҳавзаси бола-жонлар ихтиёрида. Дево-рларга болалар чизган сара расмлардан намуналар и-либ қўйилган. Бинога ки-раверишда ўнг томондаги деворга ҳар жиҳатдан фаол болалар суратлари осиб қўйилган бўлиб, исми би-лан бирга унинг кўзга та-лаб қилинган фазилати ҳам ёзиб қўйилган. Мас-алан, Абдулазиз топқир, Умид — қувонқ, Настя Мун — меҳнатсевар.

— Ногирон болаларга шундай шароит ярати бер-

«OPEL» ИНҚИРОЗ ГИРДОБИДА

Германия ҳукумати «Ope» компаниясига 3,3 миллиард евро миқдорида кредит ажратиш ниятида.

Бу маблағ янги ло-йиҳаларнинг ижросини таъминлаш ва шу та-риқа ишлаб чиқариш ҳажмини оширишга ёрдам беради. Маҳал-лий матбуотнинг ёзи-

шича, айни пайтда «Ope» инқирозга учраш арафасида. Бу компа-ния маҳсулотларига жахон иқтисодий инқи-рози сабабли талаб ке-син қамайган.

ЗАВОД ЁПИЛАДИ-МИ?

Япониянинг «Эн-и-си» концерни ўзининг ЖК-панель тайёрловчи заводини ёпишни ре-жалаштирмоқда.

Заводнинг тўрт юзга яқин ишчиси компаниянинг бошқа корхоналарига ўқа-зилади. Сабаби, иқтисодий бўҳрон туфайли тиббий ус-куналар ва турли техник ас-собиқларда ишлатиладиган

ЖК-панелларга талаб ка-майиб бормоқда. Хабарларга қараганда, жорий йилда компания йигирма мингга яқин ишчи ўрнини қисқарти-риш ниятида.

Утерьянинг план до-во по адресу: Юнус-Абад-2, д. 31, кв. 115 с ҳозиром дарения от 14 августа 2003 года реестр № 54-404, выданный 1-Чиланзар ДНИ на имя Клычевой Анны Юрьевны, СЧИТАТЬ НЕДЕЙСТВИТЕЛЬНЫМИ.



КОМПАНИЯ ИХТИРОСИ

«Samsung» компа-нияси 256 гигабайтли SSD-тўплагич ишлаб чиқарди.

Маълумотларга қараган-да, у бир сонияда 220 ме-габайтли операция бажара олади. Мутахассисларнинг фикрича, ушбу ускуна йи-гирма дақиқа ичида HD форматдаги йигирма беш-та фильмини кўчира олади. Унинг қалинлиги 9,5 мил-лиметр, оғирлиги эса 81 граммга тенг.

БЕЗГАК УЧУН ВАКЦИНА

Европалик олимлар безгак касаллигининг Эбола турига қарши вакцина ишлаб чиқиди-лар.

Мутахассисларнинг сўзларига қўра, у имму-нитетни мустаҳкамлаб, касаллик хуружи вақтида тана ҳароратини тушира-ди. Мухими эса вакцина-нинг салбий таъсири камлиги ва нархи ҳам унчалик қimmat эмасли-гидир.

Ўзбекистон Республикаси

Давлат архитектура ва қурилиш қўмитасининг

Тошкент вилояти бўйича

Давлат архитектура-қурилиш

назорати инспекцияси

Табиатнинг буюк мўъжизаси бўлмиш

мўътабар аёлларимизни

баҳорнинг илк шукуҳли айёми

8 март — Халқаро

хотин-қизлар кун

билан қизгин муборакбод этади.

Она замин уйғониб, чор-атрофни

нафосатга буркаётган шу

файзли кунларда

Сизларга энг эзгу орзу-умидлар,

гўзал тилаклар ёр бўлсин!

Ҳар бир хонадонни тинчлик,

хотиржамлик, файз-барака,

қувонч-шодлик тарк этмасин!

Республика Қўчмас мулк биржаси 15 ёшда!

"Республика Қўчмас мулк биржаси" ЕАЖ бошланғич баҳоси босқичма-босқич ошиб бориш тартибиди ўтказиладиган очик аукцион савдосига таклиф этади!

2009 йил 7 апрель, кун соат 11.00 да бўлиб ўта-диган аукцион савдосига суд ижрочилари бўлими то-монидан қўйиладиган мулклар қўйилмоқда:

1. Тошкент вилояти Зангиота туман суд ижрочи-лари бўлими томонидан: 1. Тошкент вилояти ҳўжа-лик судининг 18.11.2008 йилдаги 11-08-05/13664-сонли ижро варақасига асосан хатланган, "Гидравлика" ОАЖга тегишли бўлган, Зангиота тумани Уртаовул қ.ф.да сақланаётган қўйиладиган автотранспорт воситалари: — "ТАЗСА3-3507" русумли, д/р 11А1559 бўлган, 1986 йилда и/ч автотранспорт воситаси. Бошланғич баҳоси — 9 063 554 сўм. — "КАВ3-3270" русумли, д/р 11А1558 бўлган, 1987 йилда и/ч автотранспорт воситаси. Бош-ланғич баҳоси — 1 04 149 сўм. — "Дамас" русумли, д/р 11А0301 бўлган, 1994 йилда и/ч автотранспорт воситаси. Бошланғич баҳоси — 3 169 352 сўм. — "Дамас" русумли, д/р 11АВ194 бўлган, 1996 йилда и/ч автотранспорт воситаси. Бошланғич баҳоси — 2 817 202 сўм. 2. Тошкент шаҳар ҳўжалик судининг 26.09.2008 йилдаги 10-0816/8667-сонли ижро варақаси-га асосан хатланган, "Фархиддин Той" МЧЖга те-гишли бўлган қўйиладиган қўчмас мулклар: — Зангиота тумани, Иттифок қ.ф.и, Алим-ота 2-тор кўчаси 41-уй манзилдаги, жами фойдаланиш майдони 148,01 кв.м.дан иборат бўлган, 0001-литрадаги омборхона ва ертўла майдони 144,85 кв.м. ҳамда 0002-литрадаги ҳўжасига асосан хатланган, 0001-литрадаги омборхона ва ертўла майдони 4,62 кв.м. Бошланғич баҳоси — 31 556 823 сўм. — Зангиота тумани, Зангиота қ.ф.и, Г. Азимов кўчаси 45а-уйда қўйиладиган, "ХСВ" ру-сумли, Асбестоцемент ишлаб чиқарувчи дастхў, Бош-ланғич баҳоси — 228 000 000 сўм.

II. Тошкент вилояти Тошкент туман суд ижрочи-лари бўлими томонидан, ЖИБ Янгийўл туман суди-нинг 16.07.2008 йилдаги ижро варақасига асосан хат-ланган, Тошкент тумани, Шифобахшсувлар кўчаси, "Қандир Даво" ХК омборида сақланаётган қўйилад-иги автотранспорт воситалари: 1. "Қамаз-53212" русум-ли, д/р Х073ДЕМ бўлган, 1992 йилда и/ч автотранс-порт воситаси. Бошланғич баҳоси — 7 449 572 сўм. 2. "Қамаз-53213" русумли, д/р Х073NON бўлган, 1988 йилда и/ч автотранспорт воситаси. Бошланғич баҳоси — 7 863 285 сўм.

III. Тошкент вилояти Бекобод туман суд ижрочи-лари бўлими томонидан, ЖИБ Бекобод туман суди-нинг 25.11.2008 йилдаги 5-1627/2008-сонли ижро варақасига асосан хатланган, Бекобод тумани Ёшлик ХХСК омборида сақланаётган, "ВАЗ-21063" русумли, д/р 11Р7089 бўлган, 1988 йилда и/ч автотранспорт воситаси. Бошланғич баҳоси — 1 083 557 сўм.

IV. Тошкент вилояти Бекобод шаҳар суд ижрочи-лари бўлими томонидан, ЖИБ Бекобод шаҳар суди-нинг 15.01.2009 йилдаги 1-440/2009-сонли ижро варақасига асосан хатланган, Бекобод шаҳар "Бекобод-савдо" омборида сақланаётган, "Дамас" русумли, д/р 11Х5854 бўлган, 1998 йилда и/ч автотранспорт воси-таси. Бошланғич баҳоси — 5 047 486 сўм.

V. Тошкент вилояти Қўйраб туман суд ижрочи-лари бўлими томонидан, ЖИБ Тошкент туман суди-нинг 26.12.2008 йилдаги 5298/2008-сонли ижро варақасига асосан хатланган, Қўйраб тумани "Аргинсавдо" УК омборида сақланаётган, "УАЗ-452" русумли, д/р мажуд бўлмаган, и/ч номаълум бўлган автотранс-порт воситаси. Бошланғич баҳоси — 1 017 899 сўм.

Шунингдек 2009 йил 24 март кун соат 11.00 да бўлиб ўтадиган аукцион савдосига такроран, суд ижрочилари бўлими томонидан қўйиладиган мулклар қўйилмоқда:

VI. Тошкент вилояти Қўйраб туман суд ижрочи-лари бўлими томонидан, Қўйраб тумани "Аргин сав-до" УК омборида сақланаётган қўйиладиги автотранс-порт воситалари: 1. ЖИБ Тошкент вилояти Қўйраб туман судининг 20.12.2008 йилдаги 6-2885/2008-сон-ли ижро варақасига асосан хатланган, "ВАЗ-21083" русумли, д/р Х750СУМ бўлган, 1990 йилда и/ч ав-тотранспорт воситаси. Бошланғич баҳоси — 2 435 091 сўм. 2. ЖИБ Тошкент вилояти Қўйраб туман суди-нинг 26.12.2007 йилдаги 1-468/2007-сонли ижро ва-рақасига асосан хатланган, "ГБА-СПГ/РАФ-2203" русумли, д/р 11Т1286 бўлган, 1981 йилда и/ч авто-транспорт воситаси. Бошланғич баҳоси — 2 350 572

сўм. 3. ЖИБ Тошкент вилояти Зангиота туман суди-нинг 04.07.2008 йилдаги 215/2008-сонли ижро варақасига асосан хатланган, "ГАЗ-53" русумли, д/р 11Н2276 бўлган, 1975 йилда и/ч автотранспорт воси-таси. Бошланғич баҳоси — 2 841 101,60 сўм. 4. ЖИБ Тошкент вилояти Паркент туман судининг 11.11.2008 йилдаги 55-2008-сонли ижро варақасига асосан хат-ланган, "Фольксваген-Пассат" русумли, д/р йўқ бўлган, 2001 йилда и/ч автотранспорт воситаси. Бошланғич баҳоси — 24 253 042 сўм.

VII. Тошкент вилояти Зангиота туман суд ижро-чилари бўлими томонидан қўйиладиги автотранспорт воситалари: 1. Тошкент шаҳар ҳўжалик судининг 05.09.2008 йилдаги 10-0812/4734-сонли ҳал қилув қарорига асосан хатланган, Зангиота тумани Иттифок қ.ф.и, Тўқимачи ж/хда сақланаётган, "Дамас" русум-ли, д/р 11АА585 бўлган, 1997 йилда и/ч автотранс-порт воситаси. Бошланғич баҳоси — 8 628 096 сўм. 2. Ўзбекистон Республикаси Ҳарбий судининг 12.02.2008 йилдаги 21-сонли ижро варақасига асосан, Зангиота тумани "Матлуботсавдо" МЧЖ омборида сақ-ланаётган, "Москвич-А3ЛК" русумли, д/р 11Е9675 бўлган, 1985 йилда и/ч автотранспорт воситаси. Бош-ланғич баҳоси — 2 391 175 сўм. 3. Ўзбекистон Рес-публикаси Ҳарбий судининг 12.02.2008 йилдаги 21-сонли ижро варақасига асосан, Зангиота тумани "Матлуботсавдо" МЧЖ омборида сақланаётган, "BMW-520" русумли, д/р Х920ОСМ бўлган, 1990 йилда и/ч ав-тотранспорт воситаси. Бошланғич баҳоси — 20 976 560 сўм. 4. Ўзбекистон Республикаси Ҳарбий суди-нинг 12.02.2008 йилдаги 21-сонли ижро варақасига асосан, Зангиота тумани "Матлуботсавдо" МЧЖ ом-борида сақланаётган, "Mercedes Benz-220" русумли, д/р Х234ХУМ бўлган, 1995 йилда и/ч автотранспорт воситаси. Бошланғич баҳоси — 23 911 754 сўм. 5. Ўзбекистон Республикаси Ҳарбий судининг 12.02.2008 йилдаги 21-сонли ижро варақасига асосан, Зангиота тумани "Матлуботсавдо" МЧЖ омборида сақ-ланаётган, "NISSAN MURANO" русумли, д/р В360РОМ бўлган, 2007 йилда и/ч автотранспорт воситаси. Бошланғич баҳоси — 61 347 811 сўм.

VIII. Тошкент вилояти Чиноз туман суд ижро-чилари бўлими томонидан, ЖИБ Янгийўл туман суди-нинг 02.08.2008 йилдаги 757-сонли ижро варақасига асосан хатланган, "Мохида Нур" МЧЖ омборида сақ-ланаётган қўйиладиги автотранспорт воситалари: 1. "ГАЗ-31029" русумли, д/р 11М2474 бўлган, 1996 йилда и/ч автотранспорт воситаси. Жорий бошланғич баҳоси — 3 960 000 сўм. 2. "ЛАДА-21070-120-21" русумли, д/р 11Р2101 бўлган, 2007 йилда и/ч автотранспорт воситаси. Жорий бошланғич баҳоси — 7 200 000 сўм.

IX. Тошкент вилояти Пискент туман суд ижро-чилари бўлими томонидан, Тошкент вилояти ҳўжа-лик судининг 29.12.2007 йилдаги 11-0717/11003-сонли ижро варақасига асосан хатланган, Пискент тумани ПМК-3 корхонасига тегишли, Оҳангарон тумани Қоракот қишлоқи промзоида сақланаёт-ган, "Экскаватор ЭО-3124" русумли, 1991 йилда и/ч техника воситаси. Жорий бошланғич баҳоси — 6 506 100 сўм.

Юқоридаги қўчмас мулк ва автотранспорт восита-лари билан тегишли суд ижрочилари бўлими вакили иштирокчида бевосита жойига чиқиб танишиш мум-кин. Аукцион савдоларида иштирок этиш истагиди талабдорлардан аризаларини қабул қилиш аукцион савдосига бир кун қолганда тўхтатилади.

Маъжур савдоларда қатнашиш учун талабдорлар "Савдо ташкилотчили" билан тузилладиган закалат келишувга асосан, мулк бошланғич баҳосининг 10 фоизидан кам бўлмаган миқдорда закалат пулини, ҳар бир мулк учун алоҳида тартибда, тўлов ҳўжжа-тида ижро ҳўжжати рақами ва санасини кўрсатган ҳолда савдо ташкилотчили — РКМБнинг АТИБ "Ипо-текабанк"нинг С. Раҳимов ф-даги қўйиладиги ҳисоб рақамини тўлашлари шарт: 2021000500571452105, МФО 00901, ИНН 200933850, Манзил: Тошкент ш., С. Раҳимов т.и. М. Ўраббоев кўчаси, 1 А-уй. Тел.: 228-79-52. www.kmb.uz

Лицензия: DB 001 №000004. Савдоларга марҳамат!

БОРИНГ, ВОЛИДАНГИЗ КЎНГЛИНИ ОЛИНГ...

Топмоқ — йўқотмоқдир.
Йўқотмоқ — топмоқ.
Сен сўлиб,
Мен яшнаб,
Тулишимга бок.
Сенсиз топганимдан
Кўпроқ йўқотдим —
Сен мени юпатдинг,
Сени йиглатдим.
Сен мени яратдинг,
Сени тугатдим.
Уялмай Она деб,
Келишимга бок!

Согинч ҳақда шеърлар
Эздим ўзимча,
Мендан — пешонангда
Доллар тизимча,
Ўғлинг бўлмай ўлай,
Аттанг, минг аттанг.
Қиз тусанг нетарди,
Кўпроқ қиз тусанг!
Тиргак бўлполмадим
Битта қизингча,
Уялмай шоирман
Дейишимга бок.

Жонингдан айланай,
Туртил жонажон,
Йул қараб бўлдим
Жигаргинанг қон.
Бокма кўзларимга
Бемажол, хаста,
Менинг топганларим
Гулми бир даста,
Йўқотганим сенми
Энди Онажон?
Ўз этимни ўзим
Дейишимга бок.

Билсанг,
Юрагимни бир алам элар,
Буюрсанг, қўлимдан
Келмайди нелар
Айт,
Пичан йиғайми,
Утин ёрайми,
Ерни ҳайдайинми,
Кук ағдарайми?
Итдек оёгингга
Суйкалгим келар —
Учиб-учиб, мана,
Қўнишимга бок.

Ҳеч нарса керакмас,
Болам, ҳеч дейсан.
Энди кеч дейсан-да,
Энди кеч дейсан.
Юзимни босаман
Муздай юзингга,
Онажон,
Зор қилиб кетма изингга!
Ўлим олдида ҳам
Ғамимни ейсан.
Мен-чи, жим тақдирга
Қўнишимга бок.

...Шеърим битди. Хайр.
Дўстлар, уш қолинг.
Бедил яшамаска
Ўрганманг мендек.
Боринг,
Волидангиз кўнглини олинг,
Эртага
Кеч қолиб,
Ўртанманг мендек.

Муҳаммад ЮСУФ,
Ўзбекистон халқ шоири.

МАДҲИНГ
ТИЛАРДА
ДОСТОН

Юз туман нопок эрдин
халқроқ
Пок хотунлар
аётининг изи.
Навой.

Аёлни улут одамлар
ҳурмат қилади.
Ҳадисдан.
Аёлларга имкон қалар
илиқ муомалада бўлишга
ҳаракат қилдим.
Амир Темур.

Яхши одамлар қўпайсин
десагингиз, яхши оналарни
қўпайтиринг.
Жан Поль.

Миллат келажаги
оналар қўлида.
О. Бальзак.

Аёл фидойилик
нималигини тушунибгина
қолмай, ўзи ҳам
фидойилик намунасини
қўрсатишга қодир
бўлган зот.
И. Тургенев.

Аёлни сева билмаган
одам дунёнинг энг гўзал
сирларидан беҳабар ўтади.
Стендаль.

Аёл гўзаллиги шундай
жозибали кучки, унинг
олдида ҳатто фил ҳам
тухтаб қолади.
Япон мақоли.

Эр-хотиннинг жони
ижтима, нияти битта.
М. Сервантес.

Янги тутилган чақ-
лоқнинг йиғисини —
қўшнинг биринчи бўлиб
эшитиладиган доғда ҳавас
милман.
Зуляфия.

Аёл — уйдаги хазина.
Япон мақоли.

Тог'нинг кўрғи қор билан
Эрининг кўрғи ёр билан.
Ўзбек мақоли.

Утеранный кадастровый документ
№ 100302050024 на землю, расположенного
по адресу: Чиланзарский район, ул. Фархадс-
кая, торговые ряды, выданный Гл. упр. кадаст-
ра в 2003 году на имя Шахалимова Бобира,
считать НЕДЕЙСТВИТЕЛЬНЫМ.

Собир Раҳимов туманидаги яқка тартиб-
даги тадбиркор Мирзаахмедов Сирожиiddин
Сайфуллаевичга (ИНН 491071884, Гувоҳно-
ма рақами 05-06654) тегишли оддий дума-
лоқ муҳр йўқолганлиги сабабли
БЕКОР ҚИЛИНАДИ.

Тошкент шаҳридаги "ENTVOY MOLLARI"
(ИНН 20171032, ОКОНХ 14842) масъулияти
чекланган жамиятининг бурчак тамғаси йўқол-
ганлиги сабабли
БЕКОР ҚИЛИНАДИ.

ТОШКЕНТ ҲАҚИҚАТИ
ТАШКЕНТСКАЯ ПРАВДА
Муассис:
ТОШКЕНТ ВИЛОЯТИ ҲОКИМЛИГИ

Бош муҳаррир
Убайдулла
АБДУШОХИДОВ

Телефонлар:
Хатлар ва оммавий
ишлар бўлими:
236-55-54.
Эълонлар: 236-55-03,
236-53-54.

Манзилимиз:
100000,
Тошкент шаҳри,
Матбуотчилар
кўчаси, 32.

Тошкент вилояти
Матбуот ва ахборот бoshқармасида
03-001 рақами билан рўйхатга олинган.
Газета «Тошкент ҳақиқати» тахририяти
компьютер марказида терилди ва
саҳифаланди.

● Эълон ва билди-
рувлардаги факт
ҳақда далилларнинг
тўғрилиги учун рек-
лама ва эълон бер-
увчилар масъулдир.

ОДАМИЙЛИК ШЕВАСИ

Ёши улуғларни биласиз —
қушуйиқ бўлишди. Ҳам-
мадан кеч ётиб, ҳаммадан
барвақт туришди.

Онам ҳам шунга ода-
ланганди. Юз-қўлини ю-
вач, биринчи иши ҳовли-
миз пештоқидаги чироқни
ёқишу темир дарвозамиз-
ни ланг очиб қўйиш эди.
Бу юмушни ҳеч қачон биз-
га буюрмасди, кишин-ёзин
ўзи бажарарди. Мен унинг
камуйқулигини кексаликка
йўярдим. Тонг қоронғуси-
да туртиниб-суртиниб дар-
воза очишларини кўп йил-
лик одат ҳисоблардим. Са-
бабини ҳам сўрамасдим.
Аммо бир гал...

Талаба эдим. Дорилфун-
дунда ўқирдим. Қишки си-
новлардан сўнг таътилга
чиқиб, кечқуруноқ қиш-
лоққа жўнавордим.

Эртасига ўйлаганимдек
бўлди. Онам мени одад-
гай, хўроз қичқирмасдан
уйғотди. Сўнгра юпунгина
кийиниб, ташқарига чиқиб
кетди. Хаял ўтмай, нимқо-
ронғи хона шифтида шу-
ла ўйнади — ҳовлида чироқ
ёнди. Кетма-кет муштдай-
лигимдан таниш садо —
дарвозамизнинг даранг-ду-
рунги эшитилди. Эрини-
гина иссиқ ўрнимдан
кўзгалдим. Онам тўлдириб
қўйган обдастадаги илқ
сувга юз-қўлимини ювдим.

Артиниб-таранаётган ма-
ҳалим эшик гижирлади-ю,
ичкарига олдин этни жун-
жиктирувчи муздай тиниқ
ҳаво ёпирилди. Кейин уст-
боши қор, ранг-рўйи ўчин-
қираган онам кириб кел-
ди. Пойгадка калишини
ечаётиб, ихрагандай бўлди.
Хушёр тортдим. Синчков
разм солиб, чўчиб тушдим:
у чап қўли билан ўнг қўли-
нинг бош бармоғини маҳ-
кам ушлаб олганди. Кафт-
лари орасидан қон сизиб
турарди.

— Нима қилди?
— Э-э, ўлсин... — онам
юзини буриштирди. — Су-
винг қолган бўлса, озгина
қўйвор, — дея титроқ қўла-
рини дастўйига чўзди.

Қарасам, жароҳати жид-
дий: бошмалдоғининг тир-
ноғи кўчиб кетибди. Сал
тегинса узилиб тушгудай,
осилиб турибди.

— Нима бўлди, бундоқ
гапирсангиз-чи, ахир!

— Ҳеч нарса, — онам
отамнинг яқка михга илин-
ган эски белбоғига ишора
қилди. — Анави рўмонли бу
ёққа ол-чи!

Тушундим. Дарров бел-
боғ четидан бир парчаси-
ни узунасига йиртиб, яра-

сини боғлашга тутиндим.

— Бу шамол ўлгур яна
эски нағмасини бошлади,
кечаси билан тинмай,
увиллаб чиқди. Дарвоза-
нинг тагига қор тўпланиб,
музлаб қопти. Тортсам
очилмади. Каттиқроқ сил-
товдим, оёғим тийиб кет-
ди. Йиқилаётганимда, дар-
возанинг тавақаси қўлимни
қисиб қолди.

— Ҳеч тушунмайман, шу
изгиринда дийдираб, дар-
воза очиш сизга нима за-
р? Уйимиз қишлоқнинг
энг чеккасида бўлса, азон-

кириб, ризқ-насиба улаша-
ди.

У "Ўқдингми?" дегандай
менга саволомуз назар
ташлади. Жовдираб боқи-
шини кўриб, ўзимни босол-
мадим. Томорқамиз девор
билан ўралмаганини, адоғи
далага туташганлигини эс-
лаб, қулдим.

— Қизиқмисиз, — дедим
ўзимча ҳазил қилиб, — фа-
ришталар қираман деса,
ана, ҳовлимизнинг чор та-
рафи очик. Ариқдан у ёғи
кенг дала. Ёки фаришталар
фақат дарвозадан қиради-

шишнйам, ҳазиллашнйам
хожати йўқ. Онам ота-
нинг ҳар бир сўзини ўзи
учун қонун деб билади.
Канда қилмай, адо этади.
Эсимни танибманки, бизни
ҳам мудом шунга ундайди.

...Вақт — югурик сув, умр
— оқар дарё экан! Соппа-
соғ юрган онам беҳосдан
вафот этди. Қуни кеча маъ-
рақасини ўтказдик. Бугун
навбатчилигим бор. Тонг
отмай, Тошкентга қайти-
шим, газета саҳифалангун-
ча, ишга етиб боришим
шарт.

Афсус, онамнинг йўқли-
ги дарҳол билинди. Қўзи-
ни очганимда, бомдод пай-
ти бўлиб қолганди. Ҳаёли
паршон отам намозини
ўқишга ҳозирланаётганиди.
Шоша-пиша хайрлашдим-у,
йўлга отландим. Бирок...

Ховлига чиқсам, чироқ
ўчиқ. Кўчага бурилсам,
дарвоза ёпиқ. Дала томон-
дан совуқ шабада елади.
Хувиллаган кенг, қоронғи
бостирма кўнглига ваҳм со-
лади. Нотаниш манзара...
Ич-ичидан зил кетдим:
ахир, онам ҳаётлигида ло-
ақал бирор марта шунақа
бўлганмиди? Чироқ ёқил-
май, дарвозамиз очилмай
қолганмиди?... Йўқ! Энди-
чи?... Наҳотки... наҳотки,
фаришталар ҳовлимизни
тарк этишган, бизниқига
қирамай қўйган бўлишса?...
Ўпкам тўлиб, бўғзимга
нимадир қадалди. Беҳи-
тиёр деворни пайпаслаб,
чироқни ёқдим, шаҳд би-
лан дарвозага бориб, бир-
варакайига иккала тавақа-
сини ҳам ланг очиб юбор-
дим.

Ажаб, худди шу лаҳза
гўёки мўъжиза рўй берди.
Назаримда, онам бўсағада
хоқсоргина бўлиб, мамнун
жилмайиб тургандай, ҳов-
лимизга чор тарафдан нур
ёғилиб қираётгандай
туюлди. Билсам, ҳар тонг
фаришталарга эшик оча-
диган, уларни ҳаммадан
аввал қарши оладиган
онамнинг ўзи фариштадай
беозор, фариштадай
юмшоқ аёл экан. Мен но-
дон ху-у, ўша — талабалик
кезларим унинг мулоимли-
гини соддаликка йўй-
ган, ноўрин кулгим билан
билиб-билмай, кўнглини
ранжитган эканман. Ҳозир
эса...

Энди нима қилай? Гуно-
ҳимни нима билан ювай?
Ахир, мен уч кун бурун
ҳақиқий фариштамни —
онамни то қўямат қадар
йўқотиб қўйдим...

Абдунаби ҲАЙДРОВ.

«ТЎХТАНИЁЗ ОТА»
ХУСУСИЙ ФИРМАСИ

Мустақил юрт тараққиёти йўлида
самарали меҳнат қилиб, оила ободлиги,
тинч-тотувлигини таъминлаб келаётган
дилбар аёлларимизни, пиру бадавлат
онахонларимизни гўзаллик ва
нафосат байрами

8 март — Халқаро хотин-қизлар куни
билан самимий қўтлайди.

«Ўзбекистонда ишлаб чиқарилган
энг сифатли гўшт маҳсулотами»
совринига эга корхона республикамиздаги
барча савдо ташкилотларини,
тадбиркорлик субъектлари ва
ишбилармон доиралар вакилларини
кенг турдаги сифатли қолбаса маҳсулотларини
аҳоли дастурхонига етказиб бериш йўлида
ҳамкорликка чорлайди.

«Тўхтаниёз ота» хусусий фирмасида
тайёрланган гўшт, тухум ва қолбаса
маҳсулотлари дастурхонингизга
ҳамиша фойз-барака бахш этсин.
Манзил: Тошкент тумани,
Келес шаҳри. Телефон: (факс) 150-90-17

Маҳсулотлар сертификатланган
Хизматлар лицензияланган

Туғғу

СОҒИНЧ

Болалик чоғларимда,
онамга эргашиб, бир гал
узоқ қариндошларниқига,
кекса Момони кўришга бор-
ганим ёдимда. Ўша Момо
шунчалик меҳрибон эдики,
бизни кўриб, севишиб кет-
ганидан бош-қўзимиздан
минг айланиб, ўргиларди.

Қайтар чоғимиз Момо:
"Соғинтириб қўймай, тез-
тез келиб турунглар, айла-
найлар, хўпми?" дея неча
бор илтимос қиларди.

Ўшанда мен бизни инти-
зор кутаётган Момонинг
уйига боришни орқага су-
риб, унинг соғинчи янада
ортишини жуда-жуда хошлар
эдим.

У йилларда мен хали
хаётнинг нимагини анга-
лаб етмаган, умрни аба-
диятдек биладиган гўр ва
инжиқ болакай умр шаъми
сўниб бораётган, "дийдор"
деб аталмиш ширин неъ-
матга интиқ Момонинг ил-
тижоларини қайқдан ҳам ту-
шунардим...

Орадан кўп ўтмай ўша
Момонинг қазо қилганини
эшитиб, лол қолдим. На-
заримда, йўлимизни инти-

зор қутиб, соғинчига со-
ғинч қўшилаётган Момо
бизни кўрмай, улиб қоли-
ши асло мумкин эмасдек
эди.

Ўшанда Момо мени эр-
калаб суйганида, соғиниб
қолишини айтганида қан-
дайдир бахтиёрлиқни туй-
ган мурғак қалбим бирда-
нига хувуллаб қолган, та-
савурида бу оламда мени
соғинадиган, йўлимни ин-
тизор кутадиган ҳеч ким
қолмагандек эди.

Кейинчалик, улғайиб,
"соғинч" деган ширин туй-
ғунинг таъминини кўп бор
татиб кўрдим ҳам. Соғинч
қанча кучли бўлса, дийдор-
лашувнинг лаззати ҳам шу
қадарлик кучли бўлишини
англадим.

Аммо негадир ҳамон "со-
ғинч" деганда кўз ўнгимда
дийдорга интиқ меҳрибон
Момо сиймоси-ю ўжар бо-
лақилининг инжиқлиги на-
моён бўлаверарди. Сабаби,
бу оханграбо туйғу кўпроқ
оналар қалбида яшайдиган-
дек туюлади менга.

Мазмуржон
БОЗОРАЛИЕВ.

Бекажон

АРМАНЧА САЛАТ

Бу салат учун 1 банка кўзиқорин,
1 банка яшил нўхат ва 5-6 дона қизил
сабзи, 1 кг. товуқ гўшти, 250 грамм майо-
нез, укроп ва петрушка керак бўлади.

Ишни консерваланган кўзиқоринни тўғраш-
дан бошлаймиз. Сўнгра қайнатиб олинган сабзи
сомонча шаклида тўғралади. Олдиндан қайна-
тиб пиширилган товуқ гўшти ҳам тўғралай, унга
нўхат қўшамиз ва майонез билан аралаштира-
миз.

СОППА-СОҒСИЗ

— Сизга малол келмаса, —
деди шифокор ҳузурига кел-
ган беморга, — жиндек ре-
петиция қилиб олсак. Мендан
"Бемор ва шифокор" сахна-
сини ўйнаб беришни илтимос
қилишганди.

— Марҳамат, — рози бўлди
бемор.

— Ҳўш, — деди шифокор

репетицияни бошларкан, —
сизнинг хасталигингиз анча
мушкул экан, бир оз хаража-
ти ҳам бўлади.

— Асло ташвиш тортманг,
таксир, менда бепул давола-
ниш учун махсус ҳужжат бор.

— Репетиция тугади, сиз
соппа-соғсиз, кетаверишингиз
мумкин, — деди шифокор.

РОЗИМАН

— Хасталигингиз давоси нима-
лини биласизми? — сўради шифокор
бемордан.

— Билмаганим учун ҳузурингизга
келдим, таксир.

— Сизни касаллик варақаси қоник-
тирдими? — сўради яна шифокор.

— Мен розиман, фақат уни неча
маҳал ичиш кераклигини айтсангиз
бўлди, — жавоб берди бемор.

ЧАКАК

Вокзалнинг кутиш залида ўтириб, пинакка кет-
ган рафикасини айланай-ўргилиб елпётган ки-
шига поездни кутаётганлардан бири деди:

— Қойил, мана буни муҳаббат деса бўлади!
— Фикрингизга қўшили олмайман, — эътироз
билдирди у ишини давом эттириб.

— Унақада нега қуйиб-пишайасиз?
— Уйғониб кетса чакаги очилиб, қулқоқ-миямни
ейди, — жавоб берди у.

Толиб ҚАНОАТ.

Байрам ҳазиллари



Ҳазилкаш: Хусан СОДИКОВ.

Тақдимот

«СУВ ЁҚАЛАБ»

Республика Киночилар
уйида "Ўзбекино" мил-
лий агентлигининг "Ўзбек-
фильм" киностудиясида
ёзувчи Эркин Аъзам сце-
нарийси асосида ре-
жиссёр Жаҳонгир Қоси-
мов суратга олган "Сув
ёқалаб" бадиий фильми-
нинг намойиши бўлиб
ўтди.

Фильм воқеалари чекка
худуддаги олис қишлоқлар-
дан бирида кечади. Қурқоқ-
чилик туфайли қишлоқда сув
танқислиги юзага келади.
Асар қаҳрамони — бир пайт-
лар бу ерда раис бўлиб иш-
лаган, умр бўйи элга ҳалол
хизмат қилган мўйсифид
Болта Мардон хонадонларга
сув келтириш мақсадида
қишлоқнинг нариги бурчаги
сари йўл олади. Катта дах-
мадан хонадонларга обихаёт
очиш асносида сув ёқалаб
бораркан, яшадан мақсад-
муддао не эканини, бир мар-
та ато этиладиган умрни қай
йўсинда ўтказгани, ўзи учун
энг юксак саналган қад-
риятлар ҳақида уйга толади.
Фильмдаги бош роллар-
ни Эркин Комилов, Тоҳир
Саидов, Зулумор Мўмино-
ва, Сайёра Юнусова, Жам-
шид Зокиров, Жаҳонхир
Қосимов, Отабек Мусаев
каби актёрлар ижро этган.

Ў.А.